



**SEGURIDAD CIUDADANA,
COMBATE Y PREVENCIÓN AL
NARCOTRÁFICO, TERRORISMO Y
CRIMEN ORGANIZADO**
**Un Plataforma Regional pa
Retonan Global**



WWW.SOLODIPUEBLO.COM



SOLODIPUEBLO@GMAIL.COM

HUES A BAHAMAS DEN CASO DI IMPORTACION DI LOTE GRANDI DI DROGA NA GRAPEFIELD

Dia 1 di Mei 2025 tur pensionado
a haya nan remedinan bek.

**PARLAMENTARIO
EVELYN WEVER
CROES TA GRADICI E
GOBIERNO ACTUAL PA
SIGUI CU E VISION Y
MANEHO DI GABINETE
WEVER-CROES**

**HUGO THEMEN REFEREE
INTERNACIONAL
NA IWF WORLD
YOUTH & JUNIOR
CHAMPIONSHIPS LIMA,
PERU**

**Parlamentario Dangui Oduber na Minister
Wendrick Cicilia:**

**CORPORATE GOOD
GOVERNANCE NO TA
UN OPCION. E TA UN
OBLIGACION!**

**Un minister hoben y bon studia poniendo
presion riba codigo di bon gobernacion**



Cu hopi preocupacion mi a bin ta tuma nota di e ultimo desaroyonan pa loke ta trata decisionnan di Minister actual di Turismo sr. Wendrick Cicilia. Como representante di pueblo, specialmente como un persona cu a traha na honor di bon gobernacion, integridad y transparencia mi ta lamenta di mira un hoben hurista ta tuma decisionnan cu ta pone e principianan di transparencia, responsabilidad y integridad bou di presion.

**PARLAMENTARIO XIOMARA MADURO
A RESPRESENTA FRACCION DI MEP NA
CONMEMORACION DI FAYECIDONAN
DEN SEGUNDA GUERRA MUNDIAL**



TRASPASO CHIEF CL, HC SALIENTE DI SA PA PLV. HC HOPMAN JH 4 MEI 2025



Dia 30 di April 2025 dilanti di miembronan di Nacionaal Comité (NC) di Scouting Aruba (SA) a tuma luga traspaso di Hoofdcommissaris (HC) saliente di Scouting Aruba, Chief Christopher Lake pa Hopman John Hessen, kende lo ta "plaatsvervangend" (Plv.) HC te cu December 2025. Esaki ta un traspaso te ora cu Nacionaal Comité (NC) eligi Hoofdcommissaris

di Scouting Aruba 2026-2029 na Januari 2026.

Nacionaal Comité (NC) di Scouting Aruba a entrega Chief Lake un recuerdo como muestra di agradecimiento pa tur su tempo y dedicacion den e dos periodonan como HC di Scouting Aruba tras di lomba: 2019-2022-2025, pa a representa SA dignamente y dirigi SA na un manera habri,

cu metanan fiho stipula. NC por wak atras cu hopi satisfaccion cu su persona a logra su obhetivonan di laga Scouting Aruba mas uni, organisa y financieramente stabil.

Entrante 01 di Mei Hopman John Hessen ta keda plv. HC y lo ta e persona di contacto pa tur peticion pa actividad pa Scouting Aruba atende y/of participa den comunidad di Aruba.

Por tuma contacto cu su persona na: hestong@setarnet.aw, celular 593-0907.

NC ta desea Chief Lake tur clase di exito den futuro y na mes momento ta desea Hopman John Hessen hunto cu su directiva cu e ta bay forma tur clase di exito den e periode di transicion



pa eligi HC di Scouting Aruba 2026-2029.



Ministro encarga cu Salubridad ta anuncia cu entrante **07 mei 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuis- en restaurantvergunning A** pa e parcela na **B. v/d Veen Zeppenfeldstraat 68-A**. E permiso aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permiso menciona, dirigi na e Ministro encarga cu Salubridad via intermediacion di Director di Departamento di Legislacion y Asunto Huridico, Schotlandstraat 53.

COMITE OLIMPICO ARUBANO TA YAMA BON BINI NA COLEGA NOBO TALHIA HIGGINS



Comite Olimpico den nomber di Talhia Arubano ta conta cu un Higgins. Talhia ta un hoben profesional mas, Junior Accountant cu



hopi experiencia den e area di administracion-financiero y contabilidad cu ta cla pa un reto nobo na COA.

Talhia lo ta encarga cu tareanan no solamente den e area di administracion y finanzas local, si no tambe cu e parti di e programanan internacional cu COA ta maneha di Solidaridad Olimpico y PanamSports.

COA ta contento di tin un hoben profesional cu e expertisio aki na dispocion pa traha pa e bienestar di deporte na Aruba. #TEAMARU

The Aruba Ports Authority N.V. is publicly tendering:
Installation of Two Bollards at India Quay, Port of Oranjestad.

According to the tender document: CAPEX PROJECT APA-PFAU-2-25

Short Project Description
The project consists of the following activities:


- The removing of an existing bollard.
- The supply and installation of 2 pieces of 1500kN bollards at India quay at the port of Oranjestad.
- Supply and installation of a steel cage for each bollard.
- Demolishing of the old "havenkantoor".
- Relocation of the leading light.
- Restoring of the pavement around the new bollards.

The tender documents will be available for purchase from **May 5, 2025, up to May 9, 2025 until 4:30 pm local time**, via email tender@arubaports.com against payment of **Afl. 500.00**.


The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **May 9, 2025, at 4:30 pm local time**.

Bank Account Information:
Beneficiary: Aruba Ports Authority N.V.
CMB: 15267105 | **Aruba Bank:** 128710 | **RBC:** 7700000030549428
Description/Reference: RFP APA-PFAU-2-25

For additional details of this tender, visit
<https://www.arubaports.com/main/installation-2-bollards-quay-i/>
or scan this QR code.



**ARUBA PORTS
AUTHORITY NV**
ORANJESTAD + BARCADERA





ANUNCIO

SETAR ta informa orario adapta pa su Teleshopnan:

- **Diabierna 9 di mei 2025** tur Teleshop ta cera 4.00 pm.

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of WhatsApp na 597-9999.





Noticia di Corte

HUES A BAHÁ PISA DEN CASO DI IMPORTACION DI LOTE GRANDI DI DROGA NA GRAPEFIELD

ORANJESTAD – Awe mainta Hues, via video conference, a dicta sentencia den e caso penal cu Ministerio Publico a cuminsa contra un grupo di 6 persona, kendenan Fiscal ta haya culpabel di ta envolvi den e importacion di droga riba 18 Juli 2024. E sospechosonan ta e Venezolanonan O.M.D. (40), J.A.N. (42), J.M.L. (30), I.C.A. (30), J.A.S. (31) y e Arubiano G.A.E. (51).

SOLO DI PUEBLO por a compronde cu Hues a baha pisa riba e grupo aki, en especial e homber J.A.N., kende a dirigi dos importacion di droga. POLIS A SCUCHA COMBERSACIONNAN

Lugar pasa tratamiento di e caso a tuma lugar caminda Hues a muestra cu un team di Polis a haya autorizacion pa instala aparato pa scucha combersacionnan. For di e procesverbaal di Polis por compronde cu a scucha J.A.N. tabata papia cu J.M.L. di e droganan y cuanto cada un lo haya. Tur e otronan lo haya 3 mientras cu J.M.L. so lo haya 4.

J.M.L. tabata na e costa dia 18 Juli 2024 pa busca e bultonan pero no a haya nada. Su siguiente dia a bolbe bay pero cu mas hende pa busca e bultonan. Tur cos ta muestra cu J.M.L. tabata guia esnan cu tabata busca e bultonan. J.A.S. tambe tabata na beach pa busca e bultonan. Nan tabata papia di lo keda corona si e bultonan yega tera. I.C.A. tabata esun cu tabata core e Jeep. J.A.N. tabata duna instruccion na I.C.A. kico e mester haci. I.C.A. a hiba e hendenan costa anochi y busca nan 5'or di mainta. I.C.A. ta bisa cu e no sa di nada. O.M.D. y un otro persona tabata na beach pa busca e bultonan y nan a wordo deteni. Nan a wordo manda door di J.A.N.

Investigacion a muestra cu G.A.E. tabata esun cu a inverti 1200 dollar pa haya 6 liber di marihuana. Fiscal a bisa cu e no ta haya cu tin prueba cu realmente G.A.E. tabata deal den droga y pesey a pidi pa declar'e liber. Fiscal si ta haya cu G.A.E. tabatin 64 pilder di XTC y G.A.E. a admiti esaki.

BULTO DI DROGA NA GRAPEFIELD

Investigacion a muestra cu dia 15 December 2023, J.A.N. a laga trece bultonan di marihuana y cocaina. E tabata coordina esaki. Un total

di 12 bulto di droga a wordo haya scondi den matanan na Grapefield y 3 persona a keda deteni. Aki tambe a scucha combersacionnan di J.A.N. cu hendenan riba e droga cu a yega tera.

INTENTO DI MATA

Fiscal a acusa e homber M.O.D. di intento di mata riba 18 Februari 2019. Esaki tabata un hincamento cu a sosode na The Oude Molen. Polis a haya e homber B. hinca benta abao. B. a bisa cu M.O.D. a hink'e den stoma. B. a keda interna den hospital pa basta tempo ya cu e hinca a perfora su tripa y un ader principal. Tin testigo a bisa cu a mira cu e koki di un lugar ey banda mes, M.O.D., a hinca B. Durante tratamento di e caso Fiscal a bisa cu riba video di seguridad no por identifica M.O.D. pero si ta mira un hende a bay riba B. y hink'e cu cuchiu. M.O.D. tabata traha na e restaurant. Kico tabata e motibo cu M.O.D. a hinca B., no ta conoci. Ta asina cu no tin raport medico y no sa cuanto tempo a dura cu B. a cura. Fiscal no ta haya M.O.D. culpabel di intento di mata sino maltrato severo.

EXIGI CASTIGO

Fiscal a exige pa tur dos caso contra O.M.D., 54 luna di prison, pa J.A.N. cu ta envolvi den dos importacion di droga, 8 aña di prison, pa J.M.L., 34 luna di prison, pa I.C.A., 30 luna di prison y pa J.A.S., 48 luna di prison. Pa G.A.E., Fiscal a exige 4 luna di prison y pa lag'e liber. , SENTENCIA

Awe mainta Hues a bisa cu dia 19 Juli 2024, Polis a haya 423 kilo di marihuana y casi 2 kilo di cocaina na Grapefield. El a bisa cu un team di Polis a haci investigacion amplio y a scucha combersacionnan cu aparato special. Hues ta haya cu e droganan a wordo importa na Aruba. Hues ta haya cu J.A.N. ta esun cu a coordina y dirigi e importacion. J.M.L. tabatin contacto cu J.A.N. y tambe tabatin un funcion di coordina y dirigi esnan cu mester busca e droga. Hues a sigui bisa cu J.A.S. tabata envolvi den busca e droga na beach, I.C.A. tabata encarga cu busca Jeep y transporta e droga. O.M.D. tabata den e boto cu e droga y a yuda busca droga. G.A.E. tabata esun cu a financia e transportacion di

e droga. Hues ta haya cu tur ta complice di importacion di droga.

Hues ta haya cu G.A.E. tambe tabatin pildernan di XTC den su poder. Den caso di J.A.N., Hues a muestra cu tin tambe e caso di importacion di droga riba 15 December 2023, caminda a haya 260 kilo di cocaina y casi 240 kilo di marihuana. Hues ta haya cu J.A.N. tabata papia cu esnan di Colombia pa trece e droga Aruba.

SOSPECHOSO DI HINCA DECLARA LIBER

Pa lora ta e acusacion di intento mata contra O.M.D., Hues ta haya cu for di pruebanan por conclui cu riba 18 Februari 2019, e homber B. a wordo hinca cu cuchiu den bariga na The Oude Molen. E cuchiu a perfora tripa y un ader principal.

Hues ta haya cu no tin prueba legal cu ta O.M.D. a hinca e homber B. Hues a muestra cu e testimonio cu a duna declaracion, no a wordo confronta cu e potret di O.M.D., pa mira si ta reconoce. Hues ta duda cu ta O.M.D. ta culpabel y a declar'e liber.

CASTIGO PISA

Hues a condena J.A.N. na 7 aña di prison, J.M.L. na 35 luna di prison, J.A.S. y O.M.D. na 32 luna di prison, I.C.A. na 30 luna di prison y G.A.E. na 24 luna di prison.

Clasificados










SOLODIPUEBLO@GMAIL.COM

CEL.585 9500



PARLAMENTARIO XIOMARA MADURO A RESPRESENTA FRACCION DI MEP NA CONMEMORACION DI FAYECIDONAN DEN SEGUNDA GUERRA MUNDIAL

Dia 4 di mei 2025 den Reino Hulandes ta conmemora tur esnan cu a perde nan bida durante e Segunda Guerra Mundial 80 aña pasa. Pa e ocasion Gobierno di Aruba a prepara un ceremonia special na unda cu Parlamentario Xiomara Maduro tabata presente den representacion di Fraccion di MEP den Parlamento.

Durante e ceremonia a tuma dos minuut di silencio pa recorda tur esnan cu a perde nan bida ta defende Reino Hulandes den Segunda

Guerrq Mundial y tur otro conflicto den cual ta lucha pa paz prevalece. Na Aruba tambe nos heroenan di Schuterij Aruba tabata tin nan rol pa defende Aruba di e invasion di Nazi's, y na Hulanda nos heroe Arubiano Boy Ecury a forma parti di e resistencia Hulandes y e tambe a sacrifica su bida pa awe nos tur por ta biba den libertad den Reino Hulandes.

Despues cu e grupo di mandatario, dignitario y invitado special a pone krans, Parlamentario Xiomara Maduro tambe a haya e opurtunidad



pa demonstra su respet y gratitud dilanti e monumento cu ta recorda nos di tur e fayecidonan

den Segunda Guerra Mundial. E monumento aki y esun dedica na Schutterij y Vrijwilligerskorps Aruba

ta situa den Adriaan Lacle Boulevard.

DON CEDER DI TWEDEDE KAMER: E GOBIERNO NOBO DI ARUBA TIN AMBICION NOBO



Dialuna 5 di mei, un delegacion di Vaste Commissie di Tweede Kamer di Relacionnan di Reino, tabata di bishita cerca Prome Minister Mike Eman y Minister di Relacionnan di Reino Gerlien Croes. E delegacion

a consisti di Raoul White di Groen Links-PVdA, Aukje de Vries di VVD, Mpanzu Bamenga di D66, Don Ceder di ChristenUnie. Don Ceder di e Comision Permanente di Tweede Kamer, a keda satisfecho cu e reunion cu e Ministernan di Aruba, den cual a papia abiertamente tocante e desaroyo di e relacionnan entre Aruba y Hulanda. E reunion aki a duna e delegacion e oportunidad pa dialoga riba hopi temanan importante, incluyendo educacion, finansa, fortalece e laso di cooperacion entre Aruba

y Hulanda, y e vision pa futuro.

Don Ceder a comenta cu e Vaste Commissie di Tweede Kamer ta contento cu e gobierno nobo tin ambicionnan nobo y ta cla pa traha hunto cu Hulanda. Como comision permanente den Tweede Kamer, nan ta wak e renobacion aki cu speransa y ta kere cu e sinergia nobo lo trece beneficio pa tur partner den Reino.

Segun Ceder, nan ta compromete pa traha man den man cu Aruba riba



hopi tema, caminda tanto Aruba como Hulanda por sali beneficia. E manera cu Aruba ta busca mas acercamento cu Hulanda, ta algo cu nos ta stimula y sostene, ya cu un Reino fuerte ta un beneficio pa tur.

Lo sigui evalua e temanan

clave, y como parlamento nan tin un rol di control y evaluacion, pero semper den un ambito di colaboracion. Ceder a finalisa deseando e gobierno nobo di Aruba exito y sabiduria den nan tareanan pa eleva Aruba na e siguiente nivel.

E negligencia di hopi aña no por keda sin consecuencia

MINISTER DOWERS A HACI UN BISHITA DI TRABAO NA AWSS NA BUBALI PLAS



Recientemente Minister Interino di Infraestructura mr. drs. Arthur Dowers, a haci un bishita oficial na Aruba Wastewater Solutions & Services (AWSS) na Bubali Plas, den cuadro di un evaluacion di e situacion reinante, y pa orienta riba e planes y direccion pa futuro di AWSS.

Durante di e bishita, Minister Dowers a referi na un reunion teni na december ultimo cu e grupo di AWSS cu a tuma RWZI over, den cual a constata cu e situacion ta basta critico. Segun e Minister, desde e reunion

na december ultimo te cu awo, no a mira adelanto concreto pa mehora e situacion, algo cu ta condenabel pa e minister.

Minister Dowers ta haciendo un analisis di ken ta responsabel pa cua parti di e trabao, y lo tene tur hende responsabel pa nan rol. "E negligencia di hopi aña no por keda sin consecuencia," Minister Dowers a enfatisa.

Minister tambe a referi na cierto grupo cu ta afilia cu e gobierno anterior, cu segun e mandatario, ta bezig cu un campaña

politico pa trece division y confusion, incluso lansando insinuacion di sabotahe den e operacion di AWSS. No por sigui tolera un maneho cu no ta score un voldoende den un area tan vital.

E Ministerio ta den proceso di evaluacion pa determina si e liderazgo actual di AWSS por sigui of si tin mester di un cambio pa garantiza un maneho eficaz y responsable. E daño cu a haci durante e ultimo 7 añanan ta considerabel. E ora a yega pa haci un evaluacion serio y den forma deligente.


CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Parlamentario Danguí Oduber na Minister Wendrick Cicilia:

CORPORATE GOOD GOVERNANCE NO TA UN OPCION. E TA UN OBLIGACION!

Un minister hoben y bon studia poniendo presion riba código di bon gobernacion



Parlamento di Aruba
Fraccion Movimiento Electoral di Pueblo

Nos por a tuma nota cu Minister Cicilia kier retira tur 4 miembro di e Raad van Commissaris (RVC) na AAA N.V. como tambe kier cambia e statutan di e compania. A base di e informacion aki nos ta desea di haci minister e siguiente preguntanan:

1. Minister por confirma si ta berdad cu a tuma e decision pa retira tur 4 miembro di e RVC di AAA N.V.?
2. Si e contesta ta si, nos kier a puntra minister kico ta e motibonan, argumentonan y hustificacionan pa retira tur 4 miembro di e RVC?
3. Minister tin conseho huridico pa retira e miembronan aki?
4. Minister por informa parlamento si tin un afreedrooster di e miembronan di e RVC?
5. Minister por informa parlamento si lo tene cuenta cu e afreedrooster aki?
6. Minister por informa parlamento conforme e statutan actual cuanto e periodo maximo di e miembronan cu ta forma parti di e RVC di AAA por ta? Y cua ta e motibonan cu e statutan actual tin e periodo maximo ey?
7. Minister ta na altura di e ley den concepto di corporate governance yama Corporate Governance Code? Kico ta Minister su opinion ariba e ley aki?
8. Minister por informa si good corporate governance ta importante pa su persona y si ta desea respecta e código aki?
9. E código a wordo diseña pa tene gobierno riba distancia. Minister su decision ta hustamente contradeci e código aki. Minister ta comparti e opinion aki?
10. Minister por confirma si enberdad kier trece cambian den e statutan di AAA N.V.?
11. Si ta si, (A) cua ta e cambian cu Minister kier haci y (B) cua ta motibonan pa hasi e cambio aki?
12. Ta berdad cu e Corporate Governance Code di AAA tambe ta bay wordo cambia?
13. Ta berdad cu minister kier cambia articulonan di statutan y e Corporate Governance Code actual di AAA pa miembronan nobo wordo nombra pa un periodo indefini y sin limite di edad?
14. Kico ta Minister su opinion ariba e cambio aki Mirando cu esaki ta bay contra di e ley di Good Corporate Governance? Minister ta di opinion cu e cambio aki ta uno responsabel, integro y bon funda?
15. Kico segun Minister ta e beneficio y tambe e desbentaha pa haci cambio pa apunta miembronan di e RVC pa un periodo indefini y sin limite di edad?
16. Minister, si e miembronan ta keda nombra pa un periodo indefini, kico ta e procedura pa reemplaza un miembro e ora? Minister por comparti esaki cu parlamento.

2



Parlamento di Aruba
Fraccion Movimiento Electoral di Pueblo

17. Pa Royal Schiphol Group good corporate governance ta hopi importante? RSG ta di acuerdo cu e cambian aki? Y e cambio di e statutan? Ta posibel pa Minister comparti cu Parlamento nan (des)aprobacion pa cu e cambian aki?

18. E lindersnan di AAA tambe ta di acuerdo cu e cambian aki di e statutan y e Corporate Governance Code interno di AAA?

19. Minister, kico ta e riesgo pa cu e interes di fianza cu AAA tin di e fianza den cuadro di e Gateway 2030? Minister por informa parlamento si esaki lo causa un aumento di interes.

Preguntanan haci ta den cuadro di transparencia, integridad y Good Corporate Governance. Conforme e acuerdo haci cu Parlamento, nos ta spera Minister Cicilia su contesta den 2 siman di tempo.

Atentamente,



Danguí Oduber
Parlamentario Fraccion MEP

3

Cu hopi preocupacion mi a bin ta tuma nota di e ultimo desaroyonan pa loke ta trata decisionnan di Minister actual di Turismo sr. Wendrick Cicilia. Como representante di pueblo, specialmente como un persona cu a traha na honor di bon gobernacion, integridad y transparencia mi ta lamenta di mira un hoben hurista ta tuma decisionnan cu ta pone e principonan di transparencia, responsabilidad y integridad bou di presion.

Prome, nos por a tuma nota cu Minister Cicilia ta firma un acuerdo cu Royal Schiphol Group pa nombra un CEO Hulandes y asina kita oportunidad di nos Rubiano, nos profesional, esun cu conoce nos isla, nos cultura, y sa kico ta come y bebe di turismo. Ora a pensa cu e lo por tin un poco remordimiento di e mal decision aki, ta yega na nos oido cu Sr. Cicilia kier cambia e statuto di AAA N.V. Sr. Cicilia kier introduci un cambio preocupante esta e posibilidad pa nombra un miembro di hunta di Comisario (1) pa un periodo indefini y (2) sin limite di edad. Esaki ta bay directamente contra Good Corporate Governance y ta habri porta pa politisa un entidad cu ta clave pa nos desaroyo economico.



Minister Cicilia no ta brinda e hunta ningun tipo di respet y ta hisa benta decision sin a reuni debidamente cu e hunta di directiva. Pues decisionnan crucial ta wordo tuma sin reunion of consulta cu e organo di supervision, algo cu tambe ta contra tur regla di transparencia y bon maneho. Ademas, ta parce cu Minister Cicilia, cu ta un hurista, no a tuma su tempo pa pasa door di e concepto di ley di Corporate Good Governance. E falta di consulta cu DWJZ, ausencia di motivacion den decisionnan, falta di transparencia cu Parlamento door di keda sin contesta pregunta y e insistencia pa entrega

control na stranhero y na ‘un grupito’ sin consideracion pa nos profesionalnan local, ta refleha un direccion hopi preocupante pa nos pais y nos hendenan.

Como pueblo, nos mester keda alerta. E structura di bon gobernacionta existi pa proteha e interes general, pa preveni abuso di poder y pa stimula confiansa den nos institucionnan. Tur intento pa debilita esaki mester wordo cuestiona y rechasa. Mi ta haci un yamada na e Gobierno AVP-Futuro pa brinda transparencia y contesta e preguntanan nos di Fraccion MEP a haci pa preserva integridad y honra código di bon gobernacion.

PREMIER MIKE EMAN DURANTE CONMEMORACION DI DODENHERDENKING “NO TA ARMA TA PROTEHE NOS, SINO E VIRTUDNAN CU NOS TA COMPARTI”



Diadomingo atardi prome cu bahada di solo durante un ceremonia solem, Premier di Aruba, mr. Mike Eman, a honra e persona cu a cay den guerra y durante misionnan di paz. Den un discurso personal y conmovedor, e a yama pa un renovacion di union y pa pone e balornan humano universal na centro como respuesta na e menasanan di e temponan aki.

“No ta arma ta protehe nos” Premier Eman a remarca, “sino e virtudnan cu nos ta comparti: fe, speransa y amor.”

Den su discurso, Eman a para na sufrimento di e pueblo Hudiu, cu un recuerdo personal di su mama y un amiga stima di famia: Señora Engels, miho conoci como Tante Jet – un sobreviviente di e Holocausto. “Na su brasa tabatin un number, cu a trata di kita su humanidad. Pero e tabata bal hopi mas cu esey. E tabata yen di amor, balente y entrega su bida cu gratitud.”

Na number di gobierno

di Aruba, Premier Eman a expresa su gran gratitud pa tur esnan cu a lucha pa libertad di Aruba y Reino Hulandes. Especialmente na famia di heroe di resistencia Boy Ecury, y na representante di Camarada Aruba y Schutterij Arubano.

Eman tambe a dirigi palabra directamente na e generacion hoben:

“Boso ta e guardianan di mañan. No laga cinismo of indiferencia pone boso

curason bira duro. Keda cordial cu otro a pesar di circunstancia dificil. Boso ta carga e luz aden. No solamente den palabra, pero den accion.”

E discurso a culmina cu un yamada fuerte pa renovacion moral:

“Laga nos scoge atrobe pa bon. Pa loke ta haci nos humano. Pa e forza di amor bin riba miedo – y pa e confiansa cu nos hunto por traha un miho mundo.”



Parlamentario Evelyn Wever-Croes

Dia 1 di Mei 2025 tur pensionado a haya nan remedinan bek.

PARLAMENTARIO EVELYN WEVER CROES TA GRADICI E GOBIERNO ACTUAL PA SIGUI CU E VISION Y MANEHO DI GABINETE WEVER-CROES



Habriendo un siman nobo, Parlamento Evelyn Wever-Croes kier a tuma e oportunidad pa gradici e gobierno nobo di AVP-FUTURO pa continua cu e vision y maneho di Gabinete Wever-Croes

specialmente pa loke ta trata e remedinan pa e pensionadonan di AVZ.

Parlamentario Wever-Croes a splica cu na aña 2020, mei mei di un pandemia, Hulanda a

Uittreksel van de besluitenlijst van de vergadering van de ministerraad, d.d. 17 december 2024 (BE-60/24).

- 7.2 Voorstel MinTV d.d. 10 december 2024 nr. MTPS-1378/24 inzake uitvoering motie Staten no 1. OV # 8 m.b.t. Landsbesluit aanspraken genees- en verbandmiddelen.

Conform voorstel MinTV wordt ingestemd met :

1. het beleidsvoornemen om, mede gelet op en ter uitvoering van de motie van de Staten, no. 1 OV#18, aangenomen in de openbare vergadering op 27 juni 2024, anticiperend op de aanpassing van het Landsbesluit aanspraken genees- en verbandmiddelen, een begunstigend beleid met ingang van 1 februari 2025 te gaan implementeren, op grond waarvan gepensioneerden vrij zullen worden gesteld van de inperking (middels AB 2022 no.99) van de aanspraak op bepaalde geneesmiddelen ten laste van het Algemeen Fonds Ziektekosten.
2. De Staten van Aruba te informeren dat uitvoering zal worden gegeven aan de voornoemde motie no. 1 OV#18, aangenomen in de openbare vergadering op 27 juni 2024.
3. Dit memorandum en de daaraan gehechte stukken, waaronder bedoelde motie het advies van het UO AZV en van de hoogleraar Staatsrecht, in handen te stellen van de DWJZ, om z.s.m. de aanpassing van het Landsbesluit aanspraken genees- en verbandmiddelen voor te bereiden .

Secretaris van de Ministerraad, a.i.



- = De door de Ministerraad genomen beslissingen kunnen na evaluatie, indien nodig, worden gewijzigd. Aan het besluit/de besluiten, opgenomen in deze lijst kunnen door derden geen rechten worden ontleend.
- = De adviezen, die vanwege een beslissing van de Ministerraad worden gevraagd, worden gezonden aan de Secretaris, met kopieoverlating aan de betrokken minister(s).

exigi pa corta 60 miyon florin den AZV. Un di e medidanan cu a ovrdo impone riba pais Aruba tabata pa baha e lista di e remedi cu AZV ta cubri. Riba e decision aki, Gabinete Wever-Croes a protesta pero no a logra di cambia e pensamiento di Hulanda. Debi na esaki e gobierno saliente a tuma e decision di crea un surplus den AZV pa

asina e instituto aki tin e fondonan pa duna nos grandinan nan remedinan bek.

Final di aña 2024, Gabinete Wever-Croes a wordo informa pa AZV cu nan tin un surplus, y basa riba esaki ministerraad di Gabinete Wever-Croes a tuma e decision di duna e pensionadonan nan remedinan bek.

Parlamentario Wever-Croes a expresa di ta sumamente contento cu dia 1 di Mei 2025, manera informa aña pasa pa AZV, tur pensionado a haya nan remedinan bek. Danki na e gobierno actual pa continua cu e maneho di e gobierno saliente, cu semper a traha na bienestar di pais Aruba.

Clasificados



SOLODIPUEBLO@GMAIL.COM
CEL.585 9500



Comunicado 2025 mei, carta na minlabor 250504

Siman cu a pasa mi a manda na nos ministro di Labor mr W. Cecilia un carta basta amplio splicando e problemanan di Trahadornan na Aruba

Esaki enbista cu tur hende por a lesa y mira den prensa, declaracionan di bon intencion y futuro cooperacion di e ministronan di gobierno pa estrecha e aliansanan mas cu e gremionan di dunadornan di Trabao, tambe di un futuro DN (Dialogo Nacional).

Mester menciona cu e gobierno anterior tambe tabatin su bon relacionnan cu e gremionan di empresarionan.

E ultimo declaracionnan di e ministronan ta indica cu e gobiderno nobo ta un Gobierno Corporativo, cu su fundamentonan ta basa ariba adaptacion di e necesidadnan di e companianan priva na Aruba y tambe pa loke ta e mercado di negoshinan na Aruba.

E bon relacionnan cu mundo empresarial por causa problemanan panos Trahadornan, kendenan ta forma e mayor parti di e poblacion Arubiano.

Anto net awor cu mundo sindical na Aruba cu su debilidadnan, no ta pasando den su mihor momentonan, hasta den cierto sindicato tin un falta grandi di(democracia interno u un malmaneho sin Checks and Balance.

Informacionnan cu tin, ta bisa cu Gobierno ta bay organisa un DN (Dialogo Nacional) entre gobierno/representanan di Trahadornan /gremionan empresarial. 5 Sindicato lo representa Trahadornan y 5 organisacion di Empresarionan lo ta presente hunto cu Gobierno. Ultimo declaracionnan di gobernantenan ta bisa cu nan intencion ta pa adapta e leynan laboral na e desaroyo di mercado+deseo di empresarionan.

Un team di un ex-lider sindical y 2 coordindor di Gobierno ta trahando ariba e organisacion di e DN.

Ban wak kico e trahador por

spera di un sindicalismo debil na e momento aki for di e DN.

.....

Na: Ministro di Labor
Mr W. Cecilia
Oficina di Gobierno

ARUBA, 28 APRIL 2025

Respetble ministro mr W. Cecilia

Ricibi adhunto un exposicion di loke ta e situacion di e trahador Arubiano actualmente, asercando 1 di mei 2025.

Un saludo

Gregorio Wolff
Palm Beach 112
gregoriowolff@hotmail.com
Tl 586.2642 cell 560.2364

1. Introduccion

Awe, yegando 1-mei 2025, un bista cla, ta muestra cu e clase Trahador na Aruba ta pasando den duro. Nos por wak un atake formal ariba e trahadornan na Aruba dor di un parti di empresarionan pa mantene e salario a abao. No ta indexa salarionan, ora costo di bida subi. Hasta Gobierno tabata dehado como 10 aña, te cu poco dia pasa nos por a lesa cu a indexa salarionan den sector publico.

Pues e Trahador y su famia ta pasando den duro. Tin grupo di empresarionan ta constantemente den lucha pa hisa prijsnan di articulonan di necesidad y otro articulonan. Pesey, Costo di bida, constantemente ta subi y cada biaha e Trahador mester keda sin cumpra cierto articulonan di preferencia pa e mes, pa su casa y pa su jiunan pa asina e placa por yega pa cumpra e articulonan di primera necesidad. Hopi biaha apesar cu tata y mama ta traha.

E vivienda di parehanan hoben ta un apartment of un camber cerca mayornan o suegronan. Pa un gran parti di Trahadornan no tin

e sentimento/speransa di cambio den futuro.

E situacion ta bira pio na momento cu e trahador bay cu pensioen, pasobra e entrada ta baha considerablemente, si e trahador no tin un segundo areglo di pensioen.

Esakinan ta e problemanan grandi di e clase Trahador na Aruba y cual problemanan ta grita pa solucion y ta asuntonan cu mester ser discuti, entre Gobierno y representantenan di Trahador.

2.1. Salario abao di Trahadornan y afiliacion na sindicato.

E solucion pa e problema aki ta conoci. E Trahadornan cu tin e problema aki mayoria di biaha ta trata di Trahadornan kendenan no ta afilia na sindicato. E Trahador afilia na un sindicato tin mihor condicionnan di Trabao y mihor salario.

Mundo Politico mester por wak kico ta e solucion.

E problema grandi ta cu mayoria aplastante di Trahadornan no ta den sindicato, pa asina via di un CAO logra bon condicionnan di trabao. No tin cifra conoci pero un calculo ta duna cu solamente entre 4 pa 7% di tur Trahadornan den sectornan no-publico tin un CAO. Tristu.

2.2. Un Gobierno cu pensamiento social ta elimina e problema di Salario Abao.

Awe e grado di Trahadornan cu ta afilia na sindicato den sector priva, ta hopi abao.

E representacion abao den sindicato ta e problema grandi di e salarionan malo na Aruba. Un parti e Trahadornan mes tin culpa, nan mester lucha pa un ,mihor salario y un mihor porvenir. Kedando bo so, bo ta bira victima di empresarionan di mala fe, kendenan cada biaha cu un temor pa un sindicato drenta e centro di trabao, e empresario di mala fe ta cuminsa su politica di menasa, di intimidada, pa dividi

Trahadornan.

E contesta di Trahador mester ta e union bao di tur Trahador.

Nos futuro politiconan cu pensamiento social tin un responsabilidad grandi den nan man.

2.3. Cambia e ley di representacion sindical pa mas Trahador ta organiza den Sindicato.

E ley actual di referendum ta e obstaculo grandisimo pa Trahadornan ricibi e representacion sindical. E sindicato mester agrupa 50%, mas un di tur Trahadornan den e empresa pa ricibi su reconocimiento y e representacion. Falta di sindicato den mayoria grandi di empresanan, sigur a yuda hopi den e explotacion di Trahadornan pa mantene e salarionan abao.

Pa e motibo aki mester cambia e ley di referendum pa mas Trahador tin representacion sindical y tambe pa mas sindicato por ser reconoci.

Mi proposicion ta cu un sindicato cu un representacion minimo di 25% di Trahadornan den un empresa mester ricibi su reconocimiento. Si tin mas sindicato dentro di e empresa, cu 20% of mas di trahadornan afilia, tambe mester ricibi su reconocimiento y representacion.

Ta cambia e ley actual unda e representacion di Trahador ta mas cu 50%, ta bahe na 25% di e Trahadornan organisa den sindicato. Banda di e sindicato cu 25% o mas di Trahadornan afilia, por tin otro sindicato cu 20% of mas miembro registra tambe mester ricibi e reconocimiento y representacion sindical.

E ley actual pa sindicato tin 50% of mas di Trahadornan registra ta algo di tempo di cauchi di baulo. Un ley cu a bini un 50 pa 55 aña pasa, despues di 30 di mei 1969. Awe e ley aki ta obsoleto=outdated y ta causante grandi di un di e

Comunicado 2025 mei, carta na minlabor 250504

Siman cu a pasa mi a manda na nos ministro di Labor mr W. Cecilia un carta basta amplio splicando e problemanan di Trahadornan na Aruba

Continuacion Pag. 10

problemanan social mas grandi na Aruba.

3.1. Mayoria di pensioenadonan no tin un entrada adecua.

Mayoria di pensioenadonan ta biba den un situacion malisimo. Nan entrada cual ta consisti di solamente e pensioen di biehes for di SVB no ta yega pa nan cubri nan gastonan. Si tin problema di salud cu un di nan o tur dos mester bay den centro di cuidu, e situacion ta bira pio.

E problema aki tambe tin e solucion cu nos ta mira: "Pensa un tiki y bo ta wak e" o na Ingles "It is written on the wall".

Nos tur sa cu na Aruba, esnan cu un di 2 o di 3 areglo di pensioen no tin problema ora e bay cu pensioen. Por ta e areglo falta adaptacion, cual mester ser haci, manera ta e caso den varios fondo di pensioen. Pero nan ta mihor cu nada.

E solucion ta CREA FONDONAN DI PENSIOEN DEN TUR SECTOR DI NOS BIDA ECONOMICO.

E no ta un tarea facil, pero e ta necesario. Nos ta bayenda pa un sociedad avansa y moderno.

Dirigenten na Aruba, esta Ministronan, Parlamentarionan, Lideran Sindical y Empresarionan mester prepara nan mes mihor ariba e Tema di Pensioen. E gobierno nobo mester busca e expertonan pa quia e proceso aki. Un cos ta sigur nos mester prepara nos mes mihor. Pensamentonan ariba areglonan social mester ta e quia pa nos tur. Esaki pa no laga desaroyonan malo gara nos na caminda y e ora nos ta bay grita kico pa haci.

Pa loke ta creacion di fondonan di Pensioen, Mundo politico mester pone nan mirada ariba solucionnan social y pensa cu nos por.

Mi persona ta fundador di e fondo di pensioen FPEF pa trahadornan

di APA nv y WEB nv, un fondo chikitu pero ta funciona bon y ya tin pensioenado cu tur luna ta cobrando nan Pensioen.

3.2. Gobierno mester cumpli cu e Memorie van Toelichting di e NPR-APFA di 2005.

Den sector publico na mei 2005 a crea e NPR den APFA, pa tur trahadornan di sector publico por bira miembro di APFA. Pero e maneho di Gobierno y otro dunadornan di trabao no a percura pa tur Trahadornan sea den servicio fijo o den servicio temporal por bira miembro y cuminsa paga nan prima. Gobierno ta nombra hende ainda den tijdelijk dienst o ta keda duna nan contrato di algun año. Trahadornan cu pasa 50 año di edad, di e forma aki, ta ser discriminay nan no ta drenta APFA, pa nan tambe por goza di un bon pensioen ora nan bira pensioenado.

Sindicalismo den sector publico a lubida e grupo di Trahadornan aki.

E Gobierno nobo, despues di 20 año mester pone fin na e maneho malo aki y cumpli cu e memorie van Toelichting di e ley aki.

Un asunto cu e gobierno aki mester frena ta, e tumamento di trahadornan den servicio temporal, na Hulandes, "Tijdelijke Dienst", kendenan ta keda añanan cu contrato individual. Tambe mester elimina e tumamento di Trahadornan den servicio di Uitzendburo pa añanan largo.

Esaki mester conta tambe pa e companianan estatal. Poco tempo pasa un Trahador di un compania estatal, trahando na mi cas a contami cu e tin como 15 año, trahando pa e compania estatal di Telecomunicacion, pero ainda ta den servicio di un Uitzendburo. NO POR.

E posicion correcto ta cu Trahadornan ta ricibi e derecho pa bira miembro di un fondo di

Pensioen.

3.3. Fondo di pensioen pa Entrepreneur na Aruba.

Tin un discusion fuerte na Aruba, pa empresarionan y shareholdernan di empresanan, lanta un fondo di pensioen pa nan. Nan tin tur derecho pa hacie, nan tambe kier segura nan futuro.

Mi deseo ta cu pronto esaki lo ser cumpli.

Esaki ta un bunita ehempel kico mundo politico mester haci pa e 70% di pueblo kendenan ta cay den problema grandi ora nan bay cu pensioen.

3.3.1. E propaganda cu e grupo aki ta haci ta interesante.

Are you aware that a self-administered pension is no longer possible, according to the new legislation on the Fiscal Retirement Reserve, as of January 1, 2023? Consequently, entrepreneurs and major shareholders are confronted with a challenge, you will pay more tax, as reserving funds for your pension no longer qualifies as a deductible item on your company's balance sheet.

Nonetheless, a pension plan is important and helps you save for later, ensuring financial comfort of traditional retirement after years of satisfactory hard work, but also your loved ones after you're no longer there to provide for them. Life has many turns and unexpected moments. A pension plan can also ensure your financial future in case of sudden occupational disability. comfort and stability when you no longer have a regular income.

As an independent entrepreneur or major shareholder, you have to think of the future and take measures into your own hands to protect your future. Esaki ta nan propaganda.

Esaki mester ta un plan pa e

gubernacion cu a inicia.

Pa mundo politico cu mester sali na defensa di e 70% di Trahadornan cu no tin e di dos areglo di Pensioen. Un segundo fondo di Pensioen ta imperativo pa tur Trahador na Aruba.

3.4. Impacto di inversionnan for di e fondonan di Pensioen.

Nos tur na Aruba sa di e falta di vivienda y e falta di inversion cu interes abao pa Trahadornan cu entrada abao, por cumpra o construi nan propio cas.

Creacion di fondonan di Pensioen den diferente sectornan na Aruba ta bay crea sumanan (for di e primanan) cu por ser uza pa duna hipotecanan cu interes abao, semper y cuando nan ta mas cu e rekenrente +gastonan administrativa di e fondo. Rekenrente=interes pa calcula obligacionnan di futuro, pa e fondonan di pensioen.

Tambe lo crea fondonan pa traha vivienda social pa e pueblo trahador.

3.5. Investigacion ariba e fondo di pensioen crea 7 pa 10 año pasa.

Un asunto cu mester di investigacion ta e areglo cu Gobierno a introduci un 7 pa 10 año pasa, esta e areglo general pa sector priva, unda e Trahador ta paga 2 o 3 % di su salario y e dunador di Trabao tambe ta paga igual na un entidad di e compania di Seguro ENNIA. Mi ta haci mencion di esaki psobra nos sa cu Banco Central ta haci e controlnan necesario. Pero mi no tin e noticia cual otro organizacion di Trahadornan o Sindicato tambe ta haci e controlnan ariba e fondo aki.

For di prensa mi no tin informacion, ni relatonan financiero anual di e fondo aki.

Aserca ta bon conoci cu na

Continua Pag. 12

Comunicado 2025 mei, carta na minlabor 250504

Siman cu a pasa mi a manda na nos ministro di Labor mr W. Cecilia un carta basta amplio splicando e problemanan di Trahadornan na Aruba

Continuacion Pag. 11

ENNIA-Corsow, un señor cu faam Ansarry, un Persa cu nacionalidad Mericano, kende a cumpra ENNIA-Corsow. Despues di algun año na timon di e compania aki, Sr Ansarry a saca banda di un biyon florin Curazoleño pa inverti na Merca, pero despues no a trece e placa bek den ENNIA-Corsow. Consecuencia ta, cu miles di jiunan di Corsow, kendenan a paga pa un bon pensioen y spera un pensioen di 2 pa 3 mil florin pa luna, awor ta ricibi solamente 2 o 3 cien florin pa luna.

Gobierno di Corsow a interveni y for di presupuesto di Corsow, gobierno ta yuda e famianan perhudica, pa nan por mantene nan cabe ariba awa.

Pueblo trahador kier sa con e situacion di e fondo na Aruba ta?

E proposicion pa aumenta e pensioen di biehes di SVB cu 50%, e ta un desicion adhoc y no tin argumento husto. Berdad ta cu e grupo di pensioenadonan cu solamente e pensioen di SVB ta pasando den duro y mester di un ayudo financiero.

Pa e grupo aki gobierno mester percura pa den un fase transitorio nan por ricibi un entrada extra pa nan no cay den pobreza extremo. Pa esaki Gobierno mester lanta un comision chikitu pa traha reglanan pa soluciona e problema aki.

4. Bida Carisimo pa e clase trahador.

Na Aruba nos ta hibando un e vida cu ta carisimo.

Nos mester pone e mecanismo cu tabata existi den pasado pa controla e subimento di prijsnan y e control severonan cu mester bin bek pa duna e trahador y su famia un alivio.

Importadornan di cuminda tin un poder grandi, esaki nan a ricibi di mundo politico.

Mi a mencion 5 asunto cu

politiconan mester tuma desicionnan ariba:

Prome no tin un organizacion pa defende consumidornan, for di mundo sindical, for di organizacionnan social y for di gobienu mester funda un sorto di Consumentenbond.

Na Aruba nos tabata conoce CAS, Consumidornan Arubiano Solidario.

Di dos, durante e gobernacion di 2010 pa 2017 a privatisa e puerto di container, unda nos alimentonan y otro articulonan di uzo ta drenta Aruba. Un grupo financiero poderoso ta maneha e waf di container, nan prijsnan cu nan ta cobra pa containernan ta hopi determinante ariba e prijs di tur articulonan cu ta drenta via waf. Gobierno bo por bisa no tin ningun clase di control. E meta di e grupo poderoso ta pa nan haci mas tanto ganashi. Gobierno mester hala e desicion aki aden y e servicio ta keda un servicio di Gobierno, manera antes, esaki pa mantene e prijsnan abao.

Di 3, e importadornan di cuminda, hopi biaha ta nan ta dicidi ariba e prijsnan y aki tambe no tin e debido control di e Departamento di Asuntonan Economico.

Di 4, ariba e prijsnan den e supermercadonan no tin concurrencia, parce tin un formacion di cartel pa nan mantene prijsnan halto y no tene diferencia grandi den e prijsnan di articulonan hopi bendi. Gobierno y organizacionnan mester tuma medida pa tin mas concurrencia pa baha e prijsnan. Nan ta bisa cu e pueblo cu ta cumpra ta e Rey, pero den e casonan aki, e Rey tin cu keda keto y paga loke nan ta pone su dilanti.

Di 5 mester formalisa e ley cu e Ministro di Asuntonan Economico anterior y actual tin wanta den su oficina, relaciona cu un interes husto, ora institutonan financiero y otro instancianan comercial ta presta placa o ta bende articulonan ariba cuota,

pidiendo interesnan halto.

5. Falta di vivienda pa trahadornan Pa falta di un politica correcto e ultimo 15 pa 20 añanan di gobierno na Aruba, e Arubiano ta perdiendo su tera cu ta wordo cumpra door di extranheronan ricu. Nos politiconan, sigur e ministro di Labor mester uni na fabor di nos pueblo pa trece leynan pa protega e pueblo trahador.

Tin dos problema relaciona cu e falta grandi di vivienda pa trahadornan.

Prome ta e terenonan y e casnan cu nan por cumpra, no t'ey hopi biaha.

Pakico, pasobra stranheronan cu placa ta cumpra tereno y casnan barata, drecha nan, haci e construccion mas grandi o nan ta pone un o dos piso ariba e construccion cumpra y e ta bira un establecimiento pa hur cu turista.

Di dos no tin capital cu interes abao pa e trahador por cumpra via un hipoteca su cas o gobierno ta lanta un fundacion pa construi casnan cu prijsnan abao pa e trahador.

Pa loke ta e prome problema, Gobierno mester trece un ley pa proteha nos Arubianonan. E stranhero o Hulandes/Europeo cu no tin 10 año ta biba na Aruba no por cumpra tereno na Aruba.

Si e ta cumpli cu e condicion di 10 año e NO POR cumpra un tereno/cas cu balor menos di 1,5 miyon florin (Miyonymey florin).

Pa loke ta di dos problema, mi

ta pidi atencion pa e parti ariba menciona bao di titulo 3.4.

6. Final

Tin mas problemanan general di Trahador pa e gobienu nobo, cualnan ta grita pa solucion

- Debenan nacional haltisimo, cu pagonan grandi anualmente na Interes;
- Problemanan den enseñansa;
- Corrupcion den sector publico;
- Falta di profesionalnan;
- Pueblo di Aruba ta birando bieuw y hopi anciana(o) no tin e cuidu apropiado;
- Estilo di bida, cual ta causa obesidad;
- Soluciona e problema di "Ilegalnan" na un forma humano, no a la Trump;
- Careteranan malisimo;
- No tin ayudo na formacion di lidernan sindical;
- Cooperativismo, cual ta parti de lucha social di Trahadornan, mester di apoyo di Gobierno;
- Mas ayudo na e sector primaria, esta e sector cu ta produci cuminda;
- Habri e frontera cu Venezuela pa nos por ricibi fruta y berduza barata, tambe pa restablece e lasonan di hermandad entre e pueblonan di Aruba y Venezuela;
- Varios mas problema.

Gregorio Wolff

Clasificados

SOLODIPUEBLO@GMAIL.COM
CEL. 585 9500

Quiz Kibra Cables 2 pa Divi Resorts

Recien a tuma luga den ballroom di Alhambra e di dos edicion di e quiznight Kibra Cables. E organisado y MC tabata Addonsito Croes y e asistente Thyara Doornkamp y team. Un total di 9 grupo a participa den e weganan cu tema "Aruba" parti den Paisahe, Berdad of Falso, E caha magico, Potret famoso y Stoelen dans.

E gruponan tabata Cocolishi brains, Warawara warriors, Alhambra Prikichi, Good Vibes, Crioyo Planners, Kini Kini, Smarties, Nos cu nos y Toteki sabi.

Finalmente e ganado a resulta Warawara Warriors sigui pa Toteki Sabi na di dos luga.

Cocolishi Brains tawata e grupo di ambiente y Alhambra Prikichi e miho uniforma.



Hugo Themen referee internacional na IWF World Youth & Junior Championships Lima, Peru

For di International Weightlifting Federation, Aruba Amateur Weightlifting Association a ricibi un invitacion pa Sr. Hugo Themen participa como referee internacional na e IWF World Youth & Junior Championships na Lima, Peru for di 30 april pa 5 mei 2025

Na e campeonato mundial a participa un total di 54 referee internacional y 621 atleta femenina y masculino di 77 pais rond di mundo.

E competencia aki a tuma lugar na Villa Deportiva Nacional (VIDENA) na



ciudad di Lima, Peru. Aruba Amateur Weightlifting Association kier a manda pabien na Sr. Hugo Themen como referee internacional den e IWF World Youth & Junior Championships Lima 2025.



SANTA ROSA A FINALISA SU PROYECTO DI SYNTROPIC AGRO FORESTRY



Durante siman pasa por a tuma nota riba social media cu ta e facebook di Santa Rosa cu tabata tin prepracionnan andando pa loke ta nos proyeto di Agro Foresrty yama crioyoyamente yama “Hofi di Alimentacion”. Trabounan di preprara e tera midí y marca e tereno. Despues a continua cu cobamento di canalnan y na final a pone e parti organico

cu ta entre otro taki di mata seco, rama di mata y tambe stamnan di mata. Despues nan a wordo dera pa sina laga e tereno cla pa cuminsa planta. E parti organico aki ta pa crea un tipo di gordura den e desaroyo di tereno, dune mas bida y fortalece cu mineralnan

Debi cu Scol di Polis den transcurso di ultimo añanan ta bisita nos Departamento di

Agricultura, Cria y Pesca Santa Rosa di cual nan tin como terea pa conocí mas di medio ambiente y tambe pone nan mes na altura di un of otro situacion cu nan por haya nan mes aden pa loke ta Sector Primario na momento di eherce nan función como Agente Policial. Esaki ta parti di nan estudio y tarea cu nan mester cumpli cune. Debi cu nan a haya un presentación y guía den Santa Rosa algún luna atrás e mesun klas aki cu ta N42021 nos a extende un invitación pa asina nan duna un man y experiencia e proyecto aki.

For di mainta tur a bini hunto y topa e coleganan di Santa Rosa y asina tur pone man na obra pa finalisa e proyecto.

Cobamento y plantamento di diferente



mata y a sigui cu plantamento di simiya y tur otro tarea pa realisa e “hofi di Alimentación di Santa Rosa. Na final nan tur a haya un treat chikito pa nan aporte y trabou duro na e proyecto.

Palabra di gratitud ta bai na sra Rosalinde Barros-Poels di Living Soil kende ta encarga den guía e proyecto y duna aporte cu su conocimiento. Na nos

colega sr. Ludwig Rasmijn kende ta líder di e proyecto y coordinación. Sigur tambe na tur colega di Santa Rosa cu a pone man na obra pa e proyecto. Un danki grandi na (KPA), Scol di Polis klas N42021 cu hopi interés a participa y duna man den nos proyecto. Sra. Elisa van Loon di Korps Politie Aruba cu a duna tur cooperación pa e klas por tabata presente.

“Union ta hasi forza”

SEGURIDAD CIUDADANA, COMBATE Y PREVENCIÓN AL NARCOTRÁFICO, TERRORISMO Y CRIMEN ORGANIZADO

Un Plataforma Regional pa Retonan Global

Riba 10-11 di april 2025, mi tawatin e honor di representa Aruba na e reunion di Parlatino na Panama, na unda miembronan di e comision Parlamento Latinoamericano a bini huntu pa atende algun di e menasanan di siguridad mas critico cu nos region ta enfrenta: traficacion di droga, traficacion di hende, crimen organisa y e riesgo di terrorismo. Esaki no tabata djis un encuentro, e tabata un plataforma pa intercambia strategianan efectivo y preventivo basa riba solucionnan real. Pa Aruba, a reconfirma locual Futuro a trece dilanti for inicio: Nos mester actua awor pa proteha nos futuro, prome cu problemanan chikito crece bira dañonan duradero.

Conta Nos Bendicionan, Pero No Ignora Nos Realidad

Aruba ta bendiciona. Compara cu algun pais den e region, nos no ta enfrenta crimennan horibel manera traficacion di organo. Pero hecho ta: Aunke nos ta un pais chikito y fortuna, nos no ta immuun pa e tipo di crimen nan aki. Aruba ta un hub strategico entre Sur America, Norte America, y Europa, un "trechter" door di cual criminalidad, cu e país grandinan ta enfrenta nan mes cune, por y sa pasa. Nos no mester balota nos siguridad. Nos mester protehe proactivo, continuamente y cu determinacion.

Un Vision Global Comparti, Aruba No Ta Su So



Un di e confirmacionnan mas fuerte di Parlatino tabata esaki: e vision di prevencion, educacion y innovacion ta wordo comparti globalmente. Gobiernonan den henter e region, di grandi te chikito, awor ta priorisando accionnan preventivo y proactivo usando systemanan innovativo y eficiente. Esaki ta alinea directamente cu e vision di gobierno di Aruba, e vision di partido Futuro, y mi propio mision como Parlamentario. E mensahe tabata cla: nos no ta djis reacciona, nos ta construyendo resiliencia. Y nos no ta nos so den region.

Prevencion Ta Cuminsa Cu Hende, No Cu Prison Un punto clave di e reunion tabata cu prevencion mester cuminsa hopi mas prome cu un persona drenta e sistema di husticia. Nos a papia

tocante con fortaleciendo y reformando enseñansa y fortalece sistemanan di sosten social ta e manera mas eficiente y efectivo pa evita cu hobennan ta cai den criminalidad. Den FUTURO, ya caba nos a cuminsa explora iniciativanan nacional pa sostene esaki, for di actividadnan di scol cu ta engrandece factornan protectivo, te mihor acceso pa programanan pa desaroyo di nos hobennan. Esakinan no ta djis idea pero ya caba nos ta tumando iniciativa.

Tecnologia, AI y Un Sistema di Husticia mas Inteligente Adicional, den e reunion nos a explora con Inteligencia Artificial (AI) por sostene reforma di prizon y reduci recidivismo. Aruba ainda ta confronta retonan den renoba nos sistema di prizon pa cumpli cu e

normanan internacional di derechonan humano. Pero en bes di warda pa e renobacion di e prizon pa implementa tecnologia, nos ta boga pa utiliza tecnologia den un fase mas anterior den cuadro di prevencion. Imagina

Nos ta conecta door di un meta comun y parti di un movimiento mundial, pa acerca e cuestion di siguridad cu curason, strategia y innovacion. Como miembro di Parlamento di Aruba, y miembro di team

un sistema caminda nos por sigui factornan di riesgo y proteccion di mucha y hobennan, for di nacemento te cu 24 año, pa garantis cu niun hende no ta cai dor di e kraaknan den nos sociedad.

Reforma Huridico Ta Cuminsa Na Scucha y Siña Di Otro

E balor di Parlatino no ta sinta solamente den locual nos a comparti, pero tambe den locual nos a siña. Cada combersacion, cada pais, a trece informacion cu nos por adapta na e contexto di Aruba. Algun di e combersacionnan aki ya caba ta inspirando proyectonan cu nos ta enfocando riba dje.

Esaki Ta E Momento. Huntu Pa E Futuro Di Aruba

E discusionnan na Panama a confirma un cos riba tur cos: Aruba no ta isola den su retonan, ni den su vision pa un mihor futuro.

FUTURO, mi ta compromete mi mes pa traduci e conocimiento aki den accionnan. Pero esaki no ta trabou di un persona of fraccion so. Nos tur, mayornan, educadornan, gobierno, sector priva, mester kere cu prevencion ta e futuro.

Laga nos sigui traha. Laga nos keda activo. Ban inverti den prevencion, educacion, y innovacion, pa Futuro di Aruba.

Semper cu Amor y Respet

Ruthlyn Victoria Lindor

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500


SUDOKU

| | | | | | | | | |
|---|---|---|---|---|---|---|---|---|
| | 3 | | 2 | | 9 | | 7 | |
| 9 | | | 4 | 1 | 3 | | | 8 |
| | | 1 | | 7 | | 3 | | |
| 7 | 1 | | | 4 | | | 9 | 5 |
| | 8 | 6 | 9 | | 7 | 4 | 3 | |
| 5 | 9 | | | 2 | | | 8 | 7 |
| | | 8 | | 6 | | 9 | | |
| 6 | | | 1 | 3 | 2 | | | 4 |
| | 4 | | 8 | | 5 | | 6 | |

| | | | | | | | | |
|---|---|---|---|---|---|---|---|---|
| | | 6 | 7 | | 4 | 9 | | |
| | 5 | | | 6 | | | 8 | |
| 2 | | | | | | | | 5 |
| 3 | | | | | | | | 1 |
| 1 | | | | | | | | 2 |
| | 8 | | | | | | 3 | |
| | | 7 | | | | 6 | | |
| | | | 3 | | 9 | | | |
| | | | | 8 | | | | |

| | | | | | | | | |
|---|---|---|---|---|---|---|---|---|
| | 7 | | | 6 | | | | 9 |
| 6 | | | 5 | | | | 8 | |
| | | 4 | | | | 7 | | |
| | 3 | | | | 6 | | | |
| 2 | | | | 5 | | | | 8 |
| | | | 4 | | | | 1 | |
| | | 3 | | | | 4 | | |
| | 2 | | | | 7 | | | 3 |
| 1 | | | | 8 | | | 2 | |

| | | | | | | | | | | | | | | |
|---|---|---|---|---|---|---|---|---|---|---|---|---|---|---|
| W | a | t | e | r | p | o | l | o | s | o | w | p | ñ | W |
| a | a | h | i | j | o | f | d | ñ | i | o | a | ñ | l | e |
| z | v | l | u | j | m | u | b | w | ñ | u | l | h | k | n |
| x | a | a | t | y | h | n | i | i | p | h | k | i | a | c |
| a | c | m | o | e | k | i | u | k | g | t | m | j | r | e |
| w | a | o | n | u | r | i | j | i | y | k | a | o | o | s |
| a | ñ | k | j | b | ñ | t | y | p | y | u | n | u | j | l |
| f | n | o | W | h | o | l | a | e | y | h | n | p | b | a |
| f | u | y | a | p | a | t | o | d | u | i | j | n | b | o |
| l | b | n | n | s | f | g | v | i | t | y | h | t | i | p |
| e | p | i | d | s | d | v | p | a | u | v | a | s | t | g |
| s | n | u | a | e | r | f | t | v | t | g | h | t | b | t |
| l | o | k | i | j | u | W | e | n | d | y | p | o | l | o |
| u | j | m | W | i | l | f | r | i | d | o | e | r | f | t |
| W | a | s | h | i | n | g | t | o | n | e | d | v | r | b |



1. waffles
2. Wanda
3. walkman
4. Walter
5. waterpolo
6. Washington
7. Wenceslao
8. Wendy
9. wikipedia
10. Wilfrido



Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion:Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salvacion.

Amen